

庾開府全集

冊三

庾子山集卷之七

錢唐倪璠魯玉註釋

表

賀平鄴都表

周書武帝紀云建德六年正月乙亥齊王傳位於其太子恆改元承光自號爲太上皇壬辰帝至鄴齊王先於城外掘塹豎柵癸巳帝率諸軍圍之齊人拒守諸軍奮擊大破之遂平鄴齊書地志云魏郡鄴縣東魏都後周平齊置相州

臣某言臣聞太山梁甫以來卽有七十二代

管子曰封太山禪梁甫者七十

有二家史記封禪書曰七十二家夷吾所記者十有二焉司馬相如封禪文曰龍圖龜書之繼韶夏崇號諡略可道者七十二君漢書音義項岱曰梁甫者太山下小山也

後又已三千餘年

尚書中候曰黃帝東巡河過洛修壇沉璧受龍圖於河龜書於洛赤文綠地廣袤九丈負理平上有列星之分七政之度帝王錄記興亡

之數以授之堯帝又修壇河洛味爽禮備榮光出河休氣四塞白雲起迴風搖又東沉璧於洛日稷赤光起元龜負書背甲赤文成字遂禪於舜言黃堯虞夏至今有三千餘年也雖復制

法樹司禮殊樂異

周易曰制而用之謂之法左氏傳曰天生民而樹之君使司牧之漢書匡衡曰三王不同樂五帝各異尚至於文

離武落剡木弦弧

周易曰弦木爲弧剡木爲矢

席卷天下之心包含八荒

之志

二語出過秦論

其揆一矣

春秋握誠圖曰諸侯冰散席卷各爭恣妄張晏曰括結囊也言其能包含天下師古曰八荒八方荒忽極遠之地也班彪王命

論曰至於順天應人其揆一也

伏惟皇帝陛下

謂周武帝也

握天樞秉地軸

易通卦驗曰遂皇氏始出握機

矩鄭康成曰遂皇遂人也但持斗機運轉之法春秋運斗樞曰北斗第一天樞博物志曰地有三千六百軸括地象曰崑崙之山橫爲地軸

駕馭風雲驅馳

龍虎

易云雲從龍風從虎

沉雄內斷不勞謀於力牧

帝王世紀曰黃帝夢人執千鈞之弩驅羊萬羣帝寤而嘆曰夫

千鈞之弩異力者也驅羊數萬羣能牧民爲善者也天下豈有姓力名牧者也於是依占求之得力牧於大澤進以爲將黃帝因著占夢經十一卷藝文志有力牧兵法十五篇

天策勇

決無待問於容成

列仙傳曰容成公者自稱黃帝師見於周穆王靈補導之事博物記曰容成氏造曆黃帝臣也

是以威風

所振烈火之遇鴻毛旗鼓所臨衝風之卷秋葉

陸賈典語云若衝風

之摧枯枝烈焰之薰衰草

竊聞伊洛戎夷幽并僭僞

謂齊王也時伊維幽并皆爲齊地

抱圖載

籍已歸丞相之府銜玉繫綬並詣中軍之營

漢書曰沛公西入咸陽還軍霸

上蕭何盡收秦丞相府圖籍文書又曰沛公至霸上秦王子嬰素車白馬繫頸以組封皇帝符節降枳道旁師古曰此組謂綬也言齊王出降也

百年逋誅遂窮

巢窟二代敵怨俄然掃蕩

竊聞至掃蕩言平齊據祖宗之宿憤也百年逋誅者謂高歡入洛魏武西遷齊神武本魏室罪臣至今始

伏其事也三代敵怨者魏分東西之後東魏靜帝遜位於神武之子齊文宣歷傳廢帝昭帝武成後主幼主而鄴乃亡西魏恭帝遜位於安定公之子周閔帝歷明帝武帝至建德六年始平鄴也

昔

周王鮪水之師尚勞再駕

呂氏春秋曰武王伐紂至鮪水紂使膠鬲候周問武王曰何日至武王曰將以甲子日至膠鬲行天大雨

日夜不休武王疾行不輟軍吏諫之

軒轅上谷之戰猶須九伐

史記曰黃帝姓公孫氏名曰軒

轅蚩尤作亂不用帝命於是乃徵師諸侯與蚩尤戰於涿鹿之野遂禽殺蚩尤張晏曰涿鹿在上谷索隱曰上谷涿鹿縣是

未有一朝指麾獨決

神慮平定寓內光宅天下

淮南子曰拱揖指麾而四海賓服說文寓籀文字字

二十八宿止

餘吳越一星

地理志曰吳地斗分野也越地牽牛婺女之分野也吳越春秋曰吳與越同音共律上合星宿下共一理晉書天文志云自南斗十二度至須女七度爲星紀

於辰在井吳越之分野屬揚州斗牛兩星皆星紀之次故云一星時江表未平吳越尚爲陳有於天星缺斗牛之次也

千二百國裁漏麟洲

小水

十洲記曰鳳麟洲在西海之中仙家煮鳳喙及麟角各作膏名之續弦膠是也言四海俱歸所遺漏者係海外之一洲耳

若夫咸康之年

四方始建武之代諸侯並朝不得同年而語矣

咸康疑咸

陽又疑太康漢光武年號建武

雖復八風並唱未足頌其英聲六樂俱陳無

以歌其神武

八風八方之風也六樂六代之樂也見左傳

坐鈞臺而誓衆妙啓繼夏

禹之功

左氏傳曰夏啓有鈞臺之饗妙夏姓也史記曰帝禹爲夏后而別氏姓姒氏

入商郊而問罪姬發成

周文之志

牧誓曰時甲子昧爽王朝至於商郊牧野乃誓姬周姓發武王名

無改之道大孝也與

出論語

當今鹿臺已散離宮已遣

尚書曰散鹿臺之財離宮引秦時天子行幸之所如長楊宜春之屬西都賦曰離宮別館三十六所

兵藏武庫馬入華山

三輔黃圖曰武庫在未央宮蕭何造以藏兵器史記周本紀曰散馬華山之陽華山在華陰縣南

立明

堂之制奏大武之樂

應劭曰明堂所以正四時出教化明堂上圓下方八牕四達布政之宮在國之陽上八牕法八風四達法四時九室法九州十

二重法十二月三十六戶法三十六旬七十二牖法七十二候孝經曰宗祀文王於明堂以配上帝謂五時帝太昊之屬黃帝曰合宮有虞曰總章殷曰陽館周曰明堂鄭司農周禮注曰大武武王樂也武王伐

紂以除其害言其德能成武功也

盛矣哉上天降休未之有也政須東南一

尉立於比景之南西北一候置於交河之北

楊雄解嘲曰東南一尉西北一

候向曰一候官名也銑曰候所以同候遠國來朝之賓候亦官也地理志云龍勒玉門陽關有候也後漢郡國志云曰南郡有比景縣水經注云自盧容縣至無繇越烽火至比景懸日中頭上影當身下與影爲

比如淳曰故以比影名縣關曰比讀如蔭庇之庇影在已下言爲身所庇也林邑記曰渡比景至朱吾縣浦今之封界也漢書曰車師前王治交河城有交河水分流城下言將定江南平突厥令天下一統也

然後命東后詔蒼冥衢壇琬碑銀繩瓊檢告厥成功

差無慚德

尚書曰肆觀東后封禪書曰東后者諸侯也漢書武帝紀曰上還登封泰山孟康曰王者功成治定告成功於天封崇也助天之高也刻石紀號有金策石函金繩玉檢

之封焉言天下一統之後將有封禪之事以報成功也

臣忝竊榮幸蒞政東藩不獲躬到闕

庭預觀大慶不勝鳧藻踴躍之至

漢書中山靖王曰位雖卑也得爲東藩曹子建求自試表曰位竊東藩爵

在上列呂向曰竊偷也謂無德偷居其位也信時為洛州刺史在國東藩矣東京賦曰闕庭神麗毛詩曰踴躍用兵曹植上責躬應詔詩表曰僻處西館未奉闕庭踴躍之懷瞻望反側班彪冀州賦曰感鳥藻以進樂今顏延年秋胡詩曰鳥藻馳目成呂謹遣主簿陪臣曹敏奉表以聞

延濟曰鳥鳥得水草歡躍而進也
蔡邕獨斷曰諸侯境內自相以下皆為諸侯稱臣於朝皆稱陪臣

賀新樂表

周書天和元年冬十月甲子初造山雲舞以備六代之樂建德三年冬十月甲辰六代樂成帝御崇信殿集百官以觀之集中郊祀歌辭所以備六樂也

臣等言臣聞天地順動則雷出為豫易豫卦象傳曰豫順以動故天地如之象曰雷出地奮豫

聖人成功則風行有節左氏傳曰夫舞所以節八音而行八風故六德在咸池之

宮山谷可調樂動聲儀曰黃帝樂曰咸池淮南子曰有虞氏其樂咸池呂氏春秋曰帝堯立命質為樂質乃效山林谿谷之音以歌八風入

承雲之奏人神不雜八風八方之風服虔曰八卦之風乾音石其風不周坎音革其風廣莫艮音匏其風融震音竹其風明庶巽音木其風清明離

音絲其風景坤音土其風涼兌音金其風闐闐淮南子曰有虞氏承雲九韶竹書紀年曰顓頊樂曰承雲我太祖文皇帝周太祖宇文泰魏之安定公也體

國經野設官分職二語周禮六官之辭變魏作周移風正雅魏姓拓跋氏周姓宇文氏孝經

曰移風易俗莫善於樂世說曰荀公曾善解音聲調律呂以正雅樂衣裳而朝萬國珪璧而會諸侯周易曰垂

衣裳而天下治左氏傳曰禹會諸侯於塗山執玉帛者萬國圭璧周禮典瑞云公執桓圭侯執信圭伯執躬圭子執穀璧男執蒲璧以朝觀宗遇會同於王也至如經綸圖

籍校讎煙燼圖籍蕭何事注見前樂正無缺章秩宗無廢典尚書曰后

夔為樂正伯夷作秩宗豈但商頌十篇得諸太師之室子夏詩序曰那祀成湯也微子至於戴公其間禮樂

廢壞有正考甫者得商頌十二篇於周之太師以那為首虞書五禮取於恭王之宮漢書曰魯恭王好治宮室壞孔子舊宅聞

鐘磬琴瑟之聲遂不敢壞於其壁中得古文經傳伏惟皇帝以下武嗣興中陽繼業皇帝周武帝也詩序

曰下武嗣文也漢書高祖中陽里人運日月之明動淵泉之慮禮記中庸篇云如日月之律

歷著微無煩於太史史記有歷律志易乾鑿度曰天氣三微而成一著周禮太史屬春官禮記曰太史謁之鄭注云太史禮官之屬掌正歲年以序

事也陰陽晷度躬定於天官釋名曰晷規也如規畫也說文曰晷日景也周禮鄭注云至日度景至不夏日至之景尺有五寸冬至

之景丈有三尺土猶度也建邦國以度其地而制其域天官書索隱注曰天文有五官官者星官也星座有尊卑若人之官曹列位故曰天官故得參考八音

研精六代漢書律歷志曰八音土曰填匏曰笙皮曰鼓竹曰管絲曰絃石曰磬金曰鐘木曰祝周禮以六樂之會正舞位釋曰六樂即六代之樂雲門大卷大咸大磬大夏大護大

武是也封晉魏為二王序殷周為三恪封晉魏謂司馬拓跋二氏也司馬裔碑云魏明帝時司馬楚之襲封瑯邪

郡王命王承制如賓之儀後周之受魏禪如周客二王之後矣左氏傳曰昔虞閼父為周陶正武王賴其利器用與其神明之後也庸以元女太姬配胡公而封諸陳以備三恪言今封晉魏為二王猶昔之序殷

周爲三格
也
雖復朱干玉戚尙識典刑素韍纁裳猶因雄據

樂記曰比音而樂之及干戚羽旄輶之樂鄭注云干盾也戚斧也武舞所執禮記曰有虞氏服韍夏后氏山殷火周龍章鄭注云韍冕服之謂也韍或作蔽周禮司服鄭注云凡冕服皆玄衣纁裳正義曰玄衣纁裳者見繫辭黃帝堯舜垂衣裳蓋取諸乾坤乾爲天其色玄坤爲地其色黃但土無正位託於南方赤色赤與黃卽是纁色故以纁爲名也
未若山雲特起

八卦成形鳳凰于飛九州觀德
山雲謂山雲儻也八卦如服虔所說乾音

坤音土兌音金是也周易曰在地成形左氏傳曰鳳凰于飛其鳴鏘鏘爾雅釋九州云兩河間曰冀州河南曰豫州河西曰豳州漢南曰荊州江南曰揚州濟河間曰兗州濟東曰徐州燕曰幽州齊曰營州樂記

曰樂行而民鄉
方可以觀德矣
改金奏於八列合天元於六舞
周禮鐘師掌金奏金奏擊

及鍾又鼓人云以晉鼓鼓金奏鄭注云金奏謂樂作擊編鐘疏云金則鐘也奏則擊也先擊鐘後擊鼓也左氏傳曰公問羽數於衆仲對曰天子用八諸侯用六大夫四士二夫舞所以節八音而行八風故自八

以下杜預曰用八八八六十四人惟天子得盡物數故以八爲列周禮大司樂有六舞舞雲門舞咸池舞大較舞大夏舞大濩舞大武也又云凡舞有帔舞有羽舞有皇舞有旄舞有干舞有人舞也
聲

含擊石更入登歌調起初鍾還參玉管
尙書夔曰於予擊石拊石百獸率舞周禮大祭祀帥

器登歌令奏擊拊鄭注云登歌歌者在堂也樂或當擊或當拊拊者擊石也初鍾黃鍾也禮樂器記管漆竹長一尺六孔尙書大傳曰西王母來獻白玉瑱漢書音義曰古以玉作不但竹也
足以

感天地而通神明康帝德而光玄象
漢書樂志曰夫樂者聖人所以感天地通鬼神安萬民玄象謂

天象也易曰天玄而地黃
以天色玄故云玄象
昔者齋居玄扈爲曲在於雲門
山海經曰陽虛之山多金臨於

庚子山集卷七表四中華書局聚

玄扈之水郭璞注河圖曰蒼頡為帝南巡狩登陽虛之山
臨於玄扈洛納靈龜負書丹甲青文以授之出此水中
師度盟津習舞歸於山

立括地志曰盟津周武王伐紂與八百諸侯會處盟津亦曰孟津又曰富平津水經云小平津今云河陽津是也史記樂志曰夫樂者象成者也總干而立武王之事也王肅曰總持干楯山立不動正

義曰象武王伐紂持楯立以待諸侯至故云武王之事也遂乃包括三名克諧一代太平經典曰形體有三名天地人尚書曰

八音克諧作者之謂聖天之所啓乎豈惟路鼓靈鼗空桑孤

竹周禮鼗鼓鼗鼓孤竹之管冬日至於地上之園丘奏之靈鼓靈鼗空桑之琴瑟夏至於澤中之方丘奏之路鼓路鼗於宗廟之中奏之鄭康成注云雷鼓雷鼗八面靈鼓靈鼗六面路鼓路鼗四面孤竹

竹特生者空桑山名廣矣大矣輪焉奐焉易繫辭曰夫易廣矣大矣禮記檀弓曰晉獻文子成室張老曰美哉輪焉美哉奐焉是知

零陵孝廉空傳玉管漢書音義曰漢章帝時零陵文學奚景於冷道舜祠下得白玉琯始平太守虛

稱銅尺世說曰荀勗善解音聲時論謂之闇解遂調律呂正雅樂每至正會殿庭作樂自謂宮商無不諧韻阮咸妙賞時謂神解每公會作樂而心謂之不調既無一言直最意忘之遂出

阮為始平太守後有一田父耕於野得周時玉尺便是天下正尺荀試以己所治鐘鼓金石絲竹皆覺短一黍於是伏阮神識臣等並預鈞天同觀

張樂張衡西京賦曰天帝悅秦繆公而觀之饗以鈞天廣樂莊子曰北門成問於黃帝曰帝張咸池之樂於洞庭之野臣始聞之懼繼聞之意軒墀弘敞欄

檻眺聽說文曰軒曲軒藩車墀涂地也闌門遮也檻檻也崇牙業業猛簾趯趯毛詩曰崇牙樹羽東京賦曰崇牙張鏞鼓

設薛綜曰崇牙栒簾上板作劍銘者良曰崇牙猶簾簾以挂鐘鼓西京賦曰洪鐘萬鈞猛簾趯趯李善曰周禮鳧氏寫獸之形大聲有力者以為鐘簾薛綜曰趯趯張設貌翠鳳揚

旌靈鼉樹鼓

史記李斯諫逐客曰建翠鳳之旗樹靈鼉之鼓鄭康成曰月令云鼉皮可以冒鼓

杳冥雲霧蕩薄丘

陵

東都賦云丘陵爲之震搖

醴泉與甘露同飛赤雁與斑麟俱下

漢書曰甘露降醴泉

生甘露元年詔曰乃者鳳凰至甘露降故以名元年武帝紀云上行幸東海獲赤雁作朱雁歌又曰上行幸雍獲白麟作白麟歌

聘魯請觀理當見

其盛德

左傳襄二十九年云吳公子札來聘請觀於周樂見舞韶簡者曰德至矣哉大矣如天之無不轉也如地之無不載也雖甚盛德其蔑以加於此矣

味定是知其盡美

說苑曰孔子至齊郭門之外遇一嬰兒挈一壺相與俱行其視精其心正其行端孔子謂御曰趣驅之韶樂方作孔子至彼聞韶三月不

知肉味故樂非獨以自樂也又以樂人非獨以自正也又

昔淵魚聽曲尚得聳鱗

以正人大矣於此樂不圖爲樂至於此盡美見論語

欝馬聞絃猶能仰秣

淮南子曰瓠巴鼓瑟而淫魚出聽伯牙鼓琴駟馬仰秣高誘注曰瓠巴楚人善鼓瑟淫魚喜音出頭於水而聽之淫魚長頭身

相半長丈餘鼻正白身正黑口在頷下以鬐嶽魚而身無鱗出江中也江淹別賦云聳淵魚之出鱗仰秣仰馬吹吐謂馬笑也

悅豫若使詳其音律是所邈然但能記其鏗鏘於斯

爲幸不勝慶悅之誠謹詣朝堂奉表以聞

爲閣大將軍乞致仕表

周書曰閣慶字仁慶河南河陰人也孝閔踐祚拜大將軍建德二年抗表致仕優詔許焉卽此是也蓋子山所作矣

表

臣某言

某閣慶也

臣聞禮云大夫七十致仕於朝傳家於子

膳則貳珍珍衣稱時制

曲禮曰大夫七十而致仕若不得謝則必賜之几杖又云七十曰老而傳鄭注云傳家事在子孫是宗子之父王制曰七十貳

膳八十嘗珍又云七十時制正義曰貳副也膳善食也恆令善食有儲副不使有闕也珍謂珍奇美食時制謂一時可辦是衣物之難得者是年轉老所須辦轉切也

臣自出身

奉國四十餘年遭遇風雲從微至著太祖文皇帝扶

危濟難奄有關河臣實無堪中涓從事

漢書顏師古注曰中涓官名居中而涓潔也

自洛食風塵河梁旗鼓華陰有白馬之兵河曲有黃

沙之陣臣雖用命不能奇策功薄賞厚因人成事恩

澤年表常以愧心

周書閻慶傳云齊神武舉兵入洛魏孝武西遷慶謂所親曰高歡跋扈將有篡弑之謀豈有苟安目前受其控制也遂以大統三年自宜

陽歸闕太祖謂慶曰高歡逆亂宇內分崩羣盜競興人皆徇己卿遂能盡忠貞之節重君臣之義背逆歸順捨危就安雖古人所稱何以加也即拜中堅將軍奉車都尉河橋之役有功及邛山之戰先登陷陣位

至驃騎大將軍儀同三司雲中大中正加侍中賜姓大野氏洛食風塵謂高歡入洛也尚書洛誥曰我乃卜澗水東瀍水西惟洛食河梁旗鼓謂河橋之役也華陰白馬之兵謂解華山圍也河曲黃沙之陣謂平

沙苑陣也史記平原君傳毛遂曰公等錄錄所謂因人成事者也漢書有外戚恩澤侯表史記有功臣年表

仰逢周朝以揖讓登庸

謳歌受命主貴臣遷頻煩榮寵

周書云孝閔帝踐阼就拜大將軍天和六年進位柱國

三槐

以鑄鼎象物知其神奸五等以桓珪飾瑞守其宮室

臣以何德兼而有之

周禮曰三槐三公位焉左氏傳曰昔夏之方有德也遠方圖物貢金九牧鑄鼎象物而爲之備使人知神姦故人入山澤林藪

不逢不若魑魅罔兩莫能逢之周禮上公之禮執桓珪諸侯之禮執信珪伯執躬珪子執穀璧男執蒲璧注云雙植謂之桓桓宮室之象所以安其上也圭長九寸故玉人云圭長九寸公守之

况

復水土之職王梁以應讖受徵兵戈之王韓信以登

壇獨拜語其連類臣又何人

袁宏後漢紀曰建武元年王梁爲大司空封武強侯初赤伏符曰王梁主衛作玄武上以野王

衛徙也元武水神也大司空水土之官也乃以梁爲大司空梁字君嚴漁陽安陽人也史記曰蕭何聞韓信亡自追之謂漢王曰諸將易得耳至如信者國士無雙王必拜之擇良日齋戒設壇場具禮乃可耳王許之諸將皆喜人人各自以爲得大將至拜乃韓信也一軍皆驚方今四海未甯三方鼎峙

三方謂周齊陳也陛

下勞心之日羣公展効之秋而臣甲子既多耄年又

及

左氏傳曰老將至而耄及之禮記曰八十九十曰耄鄭注云耄悞忘也按慶抗表在建德二年至隋開皇二年薨年七十七計此時已六十六歲矣

無參賓客之

事謬達諸侯之班尸祿素餐久紊彝典負乘致寇徒

煩有司

詩云不素餐兮素空也無德而食其祿曰素餐韓詩曰何謂素餐素者質也人但有質樸而無治民之材易解卦六三負且乘致寇至貞吝虞翻曰負倍也二變時艮爲背謂三以

四艮倍五也五來寇三時坤爲車三在坤上故負且乘小人而乘君子之器故象曰亦可醜也五之二滅坎坎爲寇盜上位慢五下暴於二慢藏誨盜故致寇至貞吝象曰以我致戎又誰咎也

加

以寒暑乖違節宣失序風木交侵菁華已竭

韓詩外傳樹欲靜而風不定廣

雅菁華也雖復廉頗強飯馬援據鞍求欲報恩何能為役

史記廉

頗居梁久之魏不能信用趙以數困於秦兵思復得頗頗亦思復用於趙趙王使使者視廉頗尚可用否廉頗之讎郭開多與使者金令毀之趙使者既見廉頗頗為之一飯斗米肉十斤被甲上馬以示尚可用

趙使還報王曰廉將軍雖善飯然與臣坐頃之三遺矢矣趙王以為老遂不召後漢書曰武陵將軍劉尚擊五溪蠻巨深入軍沒援因復請行時年六十二帝愍其老未許之援自請曰臣尚能被甲上馬帝令試

之據鞍顧盼以示可用帝笑曰豐饒哉是翁也

榮啓期之樂適足自貽

說苑曰孔子見榮啓期衣鹿皮裘鼓瑟而歌孔子問曰先生何

樂也對曰吾樂甚多天生萬物惟人為貴而吾得為人是一樂也男女之別男尊女卑故以男為貴吾既得為男矣是二樂也人生有不見日月不免襁褓者吾既行年九十矣是三樂也貧者士之常也死者人

之終也處常得終吾何憂哉孔子曰善乎能自寬者也

燭之武之言無能為也

左傳僖三十年曰晉侯秦伯圍鄭佚之狐言於鄭伯

曰國危矣若使燭之武見秦君師必退公從之辭曰臣之壯也猶不如人今老矣無能為也已

特乞解所居官言從初服事

符骸骨之請非謀几杖之賜

說苑曰晏子在東阿乞骸骨以避賢者之路曲禮曰大夫致仕若不得謝則必賜之几杖

若臣北陵移病東臯歸老

史記曰司馬相如既病免家居茂陵西都賦曰北眺五陵茂陵在北故云北陵歸去來辭曰登東臯以舒

嘯秋輿賦云耕東臯之沃壤

山河茅社一反司勳公侯珪璧還封典瑞

張晏曰王

者以五色土為太社封四方諸侯各以其方色土與之直以白茅歸以立社周禮云司勳屬夏官小司馬之職又云司勳掌六卿賞地之法以等其功公侯珪璧者周禮典瑞云公執桓珪侯執信珪伯執躬珪子

執數壁男執蒲壁是也春官宗伯有典瑞之職鄭云瑞節信也典瑞若今符璽即釋曰案其職云掌玉瑞玉器之藏則朝無冒位之人臣免

妨賢之責虞氏養老敢希東序之榮周朝如茶豈望

西郊之禮禮記曰有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠虞庠在

國之西郊鄭司農注云皆學名四代相變或上西或上東或貴在郊上庠右學大學也在西郊下庠左學小學也在國中王宮之東東序東膠亦大學在國中王宮之東西序虞庠亦小學也西序在西郊周立小

學西郊膠之言糾也庠之言養也周之小學爲有虞氏之庠制是以名庠云其立鄉學亦如之周禮曰望而視之欲其茶白也注云韋革遠眊之當如茅莠之色詩云有女如茶吳越春秋云軍皆白裳白皐素甲

素羽之皐望之若茶是茶白色也此云周朝如茶者謂養老老人髮白如茅莠之色也但瞻仰天威方違咫尺徘徊

城闕私增悽戀不任知止之情左氏傳曰天威不遠顏咫尺

代人乞致仕表

臣邈言臣聞一葉將隕甯待於風露百川皆到自竭

者潢汚尙書大傳曰百川赴東海左氏傳曰潢汚行潦之水服虔曰畜小水謂之潢水不流謂之汚杜預曰停水也臣輒感之以悲

以咽臣某中謝臣仲春之末舊患漸加雙足頗蹇四

支不利扶步有邯鄲之失勉視無離婁之明莊子曰壽陵餘子學步於邯鄲

失其故也直匍匐而歸耳又天地篇云黃帝遊於赤水之北登乎崑崙之山南望而歸遺其元珠使知索之不得使離朱索之趙岐孟子注曰離朱即離婁也

安可率此留

務溷茲恒典陛下恩周曲成未忍捐棄微臣困至於

亟轉不堪勝臣所以自咎自傷淚繼之血臣某中謝

臣特承先緒進不因人陛下憫臣無用舉直而有戇

史記云上曰甚矣汲黯之戇也索隱曰戇愚也音涉降反自奉圖太極宣綽中書

易繫辭曰易有太極是生兩儀禮記曰王言如綸其

出如綽鄭注云綽引棺索也綽音弗大索陛下收臣以一心任臣以獨掌九年冀登

宰輔八歲載踐宗伯出擁干旄入參衡鏡或雲臺之

上徵臣預疇咨之告

後漢書曰肅宗詔賈逵入講尚書南宮雲臺

或日觀之下詔臣

操刊勒之文

漢官儀曰泰山東南日觀者雞一鳴時見日欲出長三丈所言日觀者望見長安其高如視浮雲

美而暢之臣

實尤忝明憲不敢以纖負元造竟微於滴助日月其

燡冰炭交集誠懷伏以前陪政事親荷德音謂臣等

經侍軒墀子孫尚延保護臣荷螻蟻歟戴丘山臣宜

生亦盡命死且陳力竊不知終而不知止朝列三數

與臣同儕臣未六十推臣則幼獨臣彌當頓頓病不

俟年盈量窮涯滿而招損逾時每乖於勿藥永日猶

繫於苞桑周易曰勿藥有喜又曰其亡其亡繫於苞桑覽分必然貪榮所忌伏乞免

臣見職退畢餘生察臣榮不可支矜臣分不能強乃

臣之幸也豈悟仁壽之闡有一時承明之廬無緣

再謁陸機與弟雲書曰仁壽殿前有大方銅鏡仁壽殿名漢書武帝謂嚴助曰君厭承明之廬心神已弊晷刻增悲叨

睿鑒則多士莫先違聖顏則小臣何遠惟冀三條啓

道萬乘巡京西都賦曰披三條之廣路薛綜西京賦注曰萬乘天子也悅西怨之羣黎逮東封

之從者危魂倘駐枯骨如存是臣之愜非臣所望臣

又聞驅奔効駕先輟於羸駘翔集賀成近遺於鍛翮

羸駘驚馬也淮南子曰大慶成而燕雀相賀鍛翮殘羽也彼尚知慕而况臣哉聞未遑請臣之

懇戀至於墮官臣合書罪無任戰慄戀結之至

齊王進白兔表

代齊煬王憲作也

臣聞輿圖欲遠則王虎晨鳴

河圖括地象曰人嘗野中有玉虎晨雷聖人感期而興

轍迹方

開則銀鑾入貢

銀鑾白鹿也史記周本紀曰犬戎以其職貢來王王遂征之得四白狼四白鹿以歸自是荒服者不至

伏惟陛下

明明在上翼翼居尊

毛詩曰明明在下陸士衡四言詩曰明明在上詩曰維此文王小心翼翼

德動天關威

移地軸

荊州星占曰北辰一名天關河圖括地象曰崑崙之山橫為地軸

是以風煙照燭毛羽禎祥

史不絕書府無虛日臣受服元戎用綏邊鄙轅門所

屈始次熊山前茅慮無乃獲白兔

言齊王時方東討也劉熙釋名曰元戎車在軍前啓突敵陣周所制也左

氏傳曰邊鄙不聳熊山熊耳山也漢書地理志曰弘農郡盧氏熊耳山在東伊水出東北入洛左傳宣十二年曰驚敖為宰擇楚國之令典軍行右轅左追蓐前茅慮無杜云在車之右者挾轅為戰備慮無如今

軍行前有斥候踰伏皆持絳色幡及白幡見騎賊舉絳幡見步賊舉白幡備慮有無也茅明也或曰時楚以茅為旌幟

光鮮越雉色麗秦狐

太公金匱曰武王伐殷四夷聞之各脩職貢越裳獻白雉重譯而至史記孟嘗君有狐白裘直千金入秦獻之昭王

月德符徵金精表瑞

傳玄擬天

問云月中何有白兔擣藥以月中有兔故云月德西方白帝是為金德白金故云金精又月為金精獲白兔為金精之瑞也

呈祥輿頌效異披圖